

Quality of life (Kev muaj lub neej zoo): Ib Qhov Cuab Yeej rau Cov Neeg Saib Xyuas

Thaum txhawb nqa cov neeg uas tsis tuaj yeem qhia tau txog lawv cov kev xav tau tas li

Daim ntawv nug ntsuam xyuas no yog ib qho cuab yeej kev xaiv rau kev txhawb nqa cov tswv cuab hauv pab pawg los nruam xav txog tej yam uas yuav pab txhim kho ib tug neeg lub neej kom zoo. Daim ntawv soj ntsuam no yog tsim rau tus neeg saib xyuas, uas paub txog tus neeg no zoo, los ua tus sau kom tiav, thaum tus neeg tau txais kev txhawb nqa tab tom ntsib teeb meem txog kev teb cov lus nug thiab tsis tuaj yeem qhia cov neeg saib xyuas tas li txog yam uas lawv xav tau los sis xav laib.

Cov neeg uas tuaj yeem teb cov lus nug txog lawv lub neej nrog rau muaj kev pab qee yam los sis tsis muaj kev pab hlo li yuav tsum siv *My best life (Kuv lub neej uas zoo tshaj plaws)* los hloov chaw: *Ib Qhov Cuab Yeej los qhia rau lwm tus paub tias koj xav li cas.*

Txawm hais tias muaj ntau yam cuab yeej los pab txhim kho ib tug neeg lub neej kom zoo los xij, qhov cuab yeej no yuav tsum rau tej yam uas cov neeg saib xyuas tuaj yeem ua los sis saib pom txog tus neeg no tus cwj pwm, es tsis yog los ua kev kwv yees xav txog tias seb tus neeg no hnov los sis xav li cas.

Cov Lus Qhia

1. Hais txog rau txhua lub npov ntawm cov nplooj ntawv hauv qab no, xaiv koj qib kev pom zoo nrog cov lus hais.
2. Tom qab ua tiav daim foos no lawm, ces mus nyeem cov kauj ruam txuas mus tom ntej nyob tom qab kawg ntawm daim ntawv no uas sau tias: [Kev siv qhov cuab yeej no los ua kom muaj kev hloov pauv mus rau sab zoo hauv tib neeg lub neej.](#)
3. Tsim ib txoj phiaj xwm thiab nqis tes ua los pab tus neeg no txhim kho nws lub neej kom zoo. Tus neeg no yuav tsum ceeb toom qhia txog cov kauj ruam tom ntej kom ntau npaum li qhov nws tuaj yeem ua tau.

Ib qho piv txwv

Daim phiaj xwm ntaus tswv yim txhawb nqa uas yuav tuaj yeem ua rau tus tib neeg no lub neej zoo dua qub tuaj: Tus neeg no tau txais kev txhawb nqa raws li qhov xav tau dhau los ntawm kev siv cov thev naus laus zis pab cuam.

Cov lus teb uas yuav mus taus:

Tsis pom zoo heev: Yog tias cov neeg saib xyuas tsis ua tiag txhawb nqa tus neeg no txog ib hom thev naus laus zis kev pab cuam twg.

Tsis pom zoo: Yog tias yeej tau sim siv cov thev naus laus zis kev pab nyob rau yav dhau los lawm tab sis ho tsis siv nyob rau tam sim no lawm.

Tsis paub los sis tsis siv: Hauv qhov piv txwv no, yuav tsum tsis txhob xaiv “tsis paub los sis tsis siv” vim tias yuav tsum muaj kev tshawb xyuas thiab kev siv zog txhawb nqa cov thev naus laus zis pab cuam rau txhua tus neeg uas muaj teeb meem fab kev sib txuas lus.

Pom zoo: Yog tias tus neeg no muaj lub cuab yeej sib txuas lus thiab siv qee zaus, tab sis tsis siv tuab ntw, los sis yog tias tus txheej txheem qhia ntawv thiab kawm ntawv tseem tab tom tshwm sim. Thov nco ntsoov tias nws yog yam uas ib txwm muaj thiab hauj sim xwb uas yuav siv sij hawm ntau lub xyoo los txhim kho cov qauv tes kev sib txuas lus hauv lub cuab yeej kom puv ntoob tau.

Pom zoo heev: Yog tias tus neeg no muaj lub cuab yeej sib txuas lus uas siv tau hauj lwm zoo thiab nquag siv tuab ntw, thiab sib txuas lus nrog cov neeg saib xyuas tau yam tsis muaj qhov khuam. Yog tias xaiv "pom zoo heev", ces yuav tsim nyog siv lub cuab yeej no tus khub koom tes daim foos los hloov chaw, uas yog muaj lub npe tias: *My best life (Kuv lub neej uas zoo tshaj plaws):* ib qhov Cuab Yeej los qhia rau lwm tus paub tias koj xav li cas.

Cov kev nqis tes ua uas yuav tuaj yeem ua tau los pab tus neeg no: Tus neeg tuav tswj ntaub ntawv tuaj yeem ntxiv ib qho kev pab cuam tshiab rau tus neeg no txoj phiaj xwm, thiab yuav muaj ib tug kws tshaj lij tuaj yeem pab tus neeg no txheeb xyuas ib lub cuab yeej sib txuas lus uas siv tau hauj lwm zoo thiab qhia rau tus neeg no tias yuav siv li cas.

Kev pib

Tus neeg no lub npe: _____

Hnub tim sau daim foos no tiav los sis hnub tim tau tshab xyuas tsis ntev los no: _____

Tus neeg uas tau pab sau daim foos no: _____

Cov cwj taw qhia thiab cov phiaj xwm ntaus tswv yim txhawb nqa uas cov neeg saiib xyuas yuav tau nruam xav

Cov uas tau teev tseg hauv qab no yog npaj los txhom ntau yam ncauj lus ntsig txog kev muaj lub neej zoo, thiab tsis yog txhua yam yuav siv tau rau txhua tus neeg. Peb zoo siab txais tos koj los hloov kho qhov cuab yeej no raws li koj xav tau.

Kev sib raug zoo	Tsis pom zoo heev	Tsis pom zoo	Tsis paub los sis tsis siv	Pom zoo	Pom zoo heev
Tus neeg no muaj kev sib raug zoo ncu ntev nrog cov tib neeg uas tsis yog cov neeg saib xyuas uas them nyiaj					
Tus neeg no tau txais lub zim txwv xwm yeem nkaus los ua kev zoo siab thiab sib txuas nrog cov neeg uas nrog lawv coj tib txoj kab lis kev cai, kev ntseeg ntiag tug los sis kev yog ib hom neeg					
Yog tias tus neeg no xav tau, ces cov neeg uas hlub tshua txog nws yuav paub thiab ua kev zoo siab txhua xyoo rau nws lub hnub yug					
Yam tsawg kawg yog ob zaug hauv ib lub xyoos, tus neeg no thiab nws pab pawg neeg txhawb nqa yuav sib ntsib los txheeb xyuas cov kev muaj nuj nqis uas saib siab rau tus kheej uas tseem ceeb rau tus neeg no					
Yog tias xav tau, tus neeg no yuav muaj ib txoj phiaj xwm (uas tuaj yeem siv tau hauj lwm rau hauv lwm cov ntaub ntawv) txhawm rau ua kom muaj kev sib raug zoo nrog zej tsoom nce ntau ntxiv uas yog cuam tshuam nrog cov kev muaj nuj nqis uas saib siab rau tus kheej, thiab txhua tus neeg ua hauj lwm tau txais kev cob qhia txog txoj phiaj xwm ntawd					
Cov neeg ua hauj lwm txhawb nqa thiab muab phaj tshab rau kev sib raug zoo nrog zej tsoom mus rau sab zoo nyob rau txhua hnub					
Cov neeg ua hauj lwm tau txais kev cob qhia raws cai txog qib thiab txuj ci kev hais lus uas lees txais tau thiab phiaj yeeg qhia txog tus kheej					
Tus neeg no muaj ib txoj hauv kev sib txuas lus txog cov kev ntshaw thiab cov kev xav tau (uas tsis suav nrog cov cwj pwm cuam tshuam), uas cov neeg ua hauj lwm tuaj yeem nkag siab yuav luag txhua lub sij hawm los sis muaj ib txoj phiaj xwm sau ua ntaub ua ntawv los pab tus neeg no txhim kho cov txuj ci no					
Tus neeg no tau txais kev txhawb nqa raws li qhov xav tau dhau los ntawm kev siv cov thev naus laus zis pab cuam, cov kws txhais ntaub ntawv, cov kws txhais lus los sis lwm yam kev pab cuam					

Kev txiav txim thiab kev xaiv ntawm tus kheej	Tsis pom zoo heev	Tsis pom zoo	Tsis paub los sis tsis siv	Pom zoo	Pom zoo heev
Tus neeg no yog tus tswj hwm nws tus kheej cov nyiaj txiag los sis, yog tias xav tau kev pab, tus neeg no yog tus tswj xyuas tias seb yuav siv nws li nyiaj (kev lom zem) li cas					
Nyob rau txhua hnuv, tus neeg no tuaj yeem mus ntsib cov neeg uas tsis yog neeg ua hauj lwm tau (qhov kev ntsib no yuav suav nrog ntsib tim ntsej tim muag, hauv kev hu xov tooj, sib hu tham pom ntsej muag, thiab lwm yam) (tsis xam tsev hais plaub cov lus txib los sis cov kev txwv kev muaj cai txhawm rau lub hom phiaj kev nyab xeeb)					
Cov dej num uas muaj rau tus neeg no qhia tshwm txog nws txoj kab lis kev cai los sis lwm yam kev nyiam ntiag tug					
Tus neeg no muaj cov khoom ntiag tug uas qhia tshwm txog nws txoj kab lis kev cai los sis kev nyiam (xws li suab paj nruag, kev ua si, cov khoom ua los ntawm tes, thiab lwm yam)					
Tus neeg no qhov chaw nyob yog muaj rooj tog thiab muab kho kom zoo nkauj raws li tus neeg no xav tau thiab suav nrog cov khoom ua kom muaj kev zoo siab, uas txhawb dej siab kom tus neeg no muaj siab saib thiab koom nrog					
Tus neeg no muaj cov khaub ncaws hnav uas qhia tshwm txog nws tus kheej li style thiab kev txheeb qhia txog poj niam los sis txiv neej uas xav tau					
Tus neeg no tuaj yeem xaiv qhov chaw uas nws yuav nyob, los sis tus neeg no tau txais kev txhawb nqa ntau ntiv kom rhais mus nyob rau qhov chaw tshiab					
Tus neeg no tuaj yeem xaiv seb yuav nrog leej twg nyob los sis yog yuav nyob ib leeg, los sis tus neeg no tau txais kev txhawb nqa ntau ntiv kom rhais mus nyob rau qhov chaw tshiab					
Yam tsawg kawg ib xyos ib zaug, tus neeg no tau txais lub zim txwv rau qhov kev xaiv yam muaj ntaub ntawv ceeb toom qhia paub hais txog rau cov kev pab cuam kev ua hauj lwm los tshawb nrhiav ntau yam kev ua hauj lwm los sis cov zim txwv ua hauj lwm pab dawb uas nws xav tau, suav nrog cov cib fim los hloov hauj lwm ua los sis cov luag hauj lwm ua hauj lwm pab dawb					
Tus neeg no txiav txim siab txhua hnuv tias nws yuav siv lub sijhawm li cas (cov kev zaum uas tej zaum yuav muaj huab cua phem, kev mus saib xyuas kho mob, mus tom tsev kawm ntawv, thiab lwm yam nkaus lawm xwb)					
Tus neeg no muaj ntau txoj kev xaiv txhua hnuv los txiav txim siab tias seb nws yuav ua ub ua no thaum twg (qhov no tsis txhais tau hais tias yuav muaj dej num ub no rau ua tsis tu ncu, tab sis yuav tsum muab qee yam rau tus neeg no xaiv)					
Muaj cov neeg ua hauj lwm txaus los txhawb nqa tus neeg no cov kev xav thiab cov kev xaiv					
Tus neeg no tuaj yeem nws xaiv nws txog yam khoom noj uas nws yuav noj thiab seb nws yuav noj ntau npaum li cas (tsis suav cov kev txwv txog kev muaj cai rau cov xwm txheej mob uas muaj kev phom sij rau lub neej txoj sia)					
Tus neeg no muaj lub zim txwv xwm yeem nkaus los koom nrog txoj kev ntseeg dab qhua uas nws xaiv, tau txais lub zim txwv los tshawb xyuas txog lwm yam kev ntseeg dab qhuas (yog tias xav tau), los sis muaj kev ywj pheej uas yuav tsis koom nrog ib qho kev ntseeg dab qhuas twg					

Kev txim kho tus kheej	Tsis pom zoo heev	Tsis pom zoo	Tsis paub los sis tsis siv	Pom zoo	Pom zoo heev
Tus neeg no muaj ib txoj phiaj xwm uas saib siab rau leej tib neeg, kev ntsuam xyuas txog kev nyiam los sis lwm yam ntaub ntawv uas teev cov dej num ub no hauv zej zog los sis lwm yam dej num uas tus neeg no muaj siab quav ntsej txog					
Nyob rau txhua hnuv, tus neeg no tau txais ntau yam dej num ub no hauv zej zog los sis lwm yam dej num uas tej zaum nws yuav nyiam					
Feem ntau tus neeg no xaiv los koom nrog cov dej num uas tau muaj rau nws					
Tus neeg no muaj lub hom phiaj fab kev kawm nyob rau hauv nws cov phiaj xwm, uas yog tus neeg no yog tus xaiv, uas suav nrog txoj hauv kev uas cov neeg ua hauj lwm yuav muab kev qhia thiab kev txhawb nqa tib si thiab					
Cov hom phiaj fab kev kawm tuaj yeem ua kom tiav hauv sij hawm tsawg dua ib lub xyoos (txawm tias cov hom phiaj no yuav yog ib kauj ruam hauv lub hom phiaj ncuaj sij hawm ntev los xij)					
Feem ntau tus neeg no xaiv los koom nrog nws cov hom phiaj fab kev kawm					
Muaj ib txoj phiaj xwm uas sau ua ntaub ua ntawv (uas tuaj yeem siv tau hauj lwm nyob rau hauv lwm cov ntaub ntawv) los pab txhawb nqa tus neeg no txoj kev ywj pheej					
Nws muaj ib lub lab npauv/tus txheej txheem los xyuas kom ntseeg tau tias cov hom phiaj thiab cov phiaj xwm raug ua mus raws li tau sau tseg, nrog rau xwm fab xwm meem los ntawm cov neeg ua hauj lwm					

Cov Cai	Tsis pom zoo heev	Tsis pom zoo	Tsis paub los sis tsis siv	Pom zoo	Pom zoo heev
Yeej tau muab tus neeg no cov cai piav qhia rau nws mus rau txoj hauv kev uas ua rau nws to taub lawm, los sis yog tias tus neeg no tsis to taub zoo, ces tus neeg no yeej muaj ib tug neeg pab tswv yim uas tuaj yeem los txhawb nqa nws lawm					
Yam tsawg kawg ib nrab xyoo twg, tus neeg no tau txais kev ceeb toom txog cov zim txwv los txuas nrog cov neeg sawv cev los sis cov koom haum pab tawm tswv yim rau tus kheej					
Tus neeg no niaj hnuv tau txais kev qhia paub txog cov zim txwv los koom nrog cov dej num uas cia zej tsoom los koom nrog (cov piv txwv yog yuav muaj xws li kev pov npav, kev mus koom pawg thawj coj hauv nroog cov rooj sib tham, kev koom nrog kev sawv tawm tsam, kev yuav tsho t-shirts los sis cov cim uas qhia txog kev sib koom siab nrog cov zej zog uas nws txhawb nqa, thiab lwm yam)					
Yog tias tus neeg no xav koom nrog hauv ib qho dej num zej tsoom los sis kev tawm tswv yim pab twg, cov neeg saib xyuas yuav txhawb nqa rau qhov kev sib txuas xwm yeem nkaus (piv txwv li: kev thauj tus neeg no mus rau cov rooj sib tham, kev pab tus neeg no hu tus kws tawm tswv yim pab, thiab lwm yam)					

Kev suav nkag rau hauv zej tsoom	Tsis pom zoo heev	Tsis pom zoo	Tsis paub los sis tsis siv	Pom zoo	Pom zoo heev
Tus neeg no tau txais cov zim txwv mus xyuas cov chaw hauv zej zog uas sib txawv uas tej zaum nws yuav hnov lom zem dhau ntawm nws lub tsev, tsev kawm ntawv los sis chaw ua hauj lwm lawm ntau zaus hauv ib lub lim tiam					
Tus neeg no tau txais cov zim txwv los koom nrog cov dej num hauv zej tsoom nrog cov neeg uas tsis yog phooj ywg nyob koom ib chav, cov npoj yaig ua hauj lwm los sis cov neeg ua hauj lwm ua ke uas tau txais kev them nyiaj ntau zaus hauv ib lub lim tiam					
Tus neeg no tuaj yeem tsis mus koom nrog cov dej num hauv zej tsoom los sis hauv zej zog nyob rau lub sij hawm twg los tau thiab pab neeg saib xyuas yuav huab hwm tus neeg no txoj kev xaiv (tsis suav nrog cov kev txwv txog kev muaj cai los sis cov lus txib raws cai lij choj kom tshuaj xyuas kev noj qab nyob zoo)					
Yog tias tus neeg no txoj kev koom nrog zej tsoom poob qis lawm, ces yuav tau nqis tes ua cov kauj ruam los txiav txim thiab hais daws qhov chiv keeb huam yuaj, xws li kev txoj kev nyiam muaj kev hloov pauv, kev plam kev phooj ywg, kev ntaus nqi xyuas fab kev kho mob los sis kev puas siab puas ntsws (xws li: kev mob nyuaj siab, kev mob hlwb qauj, kev mob ntxhia, thiab lwm yam), thiab lwm ntau ntxiv.					
Yam tsawg kawg ib xyoos ob zaug, tus neeg no tau txais kev ceeb toom qhia txog cov zim txwv los koom nrog cov koom haum hauv zej zog xws li cov chaw ua si lom zem los sis cov chaw qoj ib ce tawm dag zog, cov clubs, cov tsev qiv ntawv, cov kev sib tw ntaus bowling, cov pab pawg ua hauj lwm pab dawb, thiab lwm yam.					
Tus neeg no muaj cov zim txwv, kev txhawb nqa thiab cov peev txheej tsim nyog los koom rau hauv social media (chaw tshaj xov xwm zej tsoom), yog tias tus neeg no xav tau					

Nyiaj txiag thiab tej khoom ntiag tug	Tsis pom zoo heev	Tsis pom zoo	Tsis paub los sis tsis siv	Pom zoo	Pom zoo heev
Tus neeg no muaj cov nyiaj khwv tau los txaus los sis yog lwm yam kev pab nyiaj txiag txaus los yuav tej khoom uas lawv xav tau thiab qee yam uas lawv xav tau, los sis muaj ib txoj phiaj xwm sau ua ntaub ntawv los pab tus neeg no kom muaj nyiaj txiag txaus siv					
Tus neeg no yog tswv thiab tuaj yeem nkag tau yam muaj kev txwv mus rau cov khoom ntiag tug uas nws saib muaj nuj nqis tshaj plaws (piv txwv li: xov tooj ntawm tes, daim npav caij tsheb npav, tsheb kauj vab, cov video game, khoos phis tawj, thiab lwm yam) (tsis suav cov lus txib raws cai lij choj los sis cov kev txwv txog kev muaj cai txhawm rau kom muaj kev nyab xeeb)					
Tus neeg no cov khoom ntiag tug yog tau txais kev hwm los ntawm cov neeg ua hauj lwm, cov phooj ywg koom nyob ib chav thiab cov qhua					
Tus neeg no muaj ntau yam khaub ncaus xaiv hnav nyob rau txhua hnuv uas haum rau huab cua, haum zoo hnav, thiab tsis muaj qhov ntuag los sis yog qhov tsis zoo (tshwj kiag tias yog tus neeg no xav tau nkaus xwb)					

Kev noj qab haus huv fab lub cev ntaj ntsug thiab lub hlwb kev xav	Tsis pom zoo heev	Tsis pom zoo	Tsis paub los sis tsis siv	Pom zoo	Pom zoo heev
Tus neeg no tau txais cov zim txwv mus ntxib cov kws kho mob tshwj xeeb rau cov teeb meem kev kho mob (piv txwv li: tus kws kho mob tshwj xeeb fab kev mob ntxhia, tus kws zaws kho pob txha, tus kws kho mob puas siab puas ntsws, thiab lwm yam)					
Muaj ib txoj phiaj xwm sau ua ntaub ua ntawv los tswj los sis txhim kho tus neeg no txoj kev noj qab haus huv fab lub cev ntaj ntsug					
Muaj ib txoj phiaj xwm sau ua ntaub ua ntawv los hwj xwm los sis txhim kho tus neeg no txoj kev noj qab haus huv fab lub hlwb					
Tus neeg no muaj qhov chaw fab lub cev txaus nyob hauv nws lub tsev, vaj loog thiab ua hauj lwm los txhawb nqa kev noj qab haus huv fab lub cev ntaj ntsug thiab lub hlwb kev xav					
Tus neeg no tau txais ntau txoj hauv kev zoo los ua kom muaj kev noj qab haus huv fab lub cev uas dhau los ntawm kev noj zaub salads thiab kev tawm dag zog mus-mus los-los (piv txwv li: kev mus rau ib lub vaj ua si zoo nkauj txhawm rau mus taug kev ncig ua si los sis seev cev rau qee cov suab paj nruag thaum tab tom noj hmo)					
Tus neeg no tuaj yeem nkag tau mus rau qhov kev saib xyuas kho mob uas tsim nyog, raws li cov lus qhia los ntawm cov kws tshaj lij fab kev saib xyuas kho mob uas muaj ntawv tso cai					
Muaj cov neeg txhais lus raws li qhov xav tau rau kev teem caij mus kho mob					
Tus neeg no lub tsev huv si, tsis sw tsoj sw tsawm, thiab tej khoom ub no yog muab kho kom zoo (xws li cov ntaub pua plag, cov yuaj pua tsev, cov tub swb rau khoom, cov tub rau khaub ncaws, thiab lwm yam)					
Tus neeg no tau txais cov ntaub ntawv qhia paub mus rau txoj hauv kev uas ua rau nws nkag siab hais txog txoj hauv kev tiv thaiv nws tus kheej thiab lwm tus los ntawm cov kab mob sib kis					
Cov neeg uas txhawb nqa tus neeg no paub txog txoj hauv kev zeem kom paub thiab hais daws cov yam ntxwv mob ntxhov siab					
Yog tias tus neeg no xav tau, ces txhua yam keeb kwm fab kev raug mob uas paub txog yuav zwm tseg cia rau hauv tus neeg no txoj phiaj xwm nrog rau cov lus qhia txog txoj hauv kev uas lwm tus yuav tuaj yeem txhawb nqa tus neeg no tau zoo tshaj plaws					
Cov neeg uas txhawb nqa tus neeg no tau txais kev cob qhia txog kev zeem paub thiab hais daws cov yam ntxwv kev raug mob thiab nkag siab tias txoj kev raug mob no yuav tuaj yeem tshwm sim tawm zoo li cas hauv tus neeg no tus cwj pwm, txoj kev paub kev pom dhau los, kev noj qab haus huv, thiab lwm.					

Kev siv qhov cuab yeej no los ua kom muaj kev hloov pauv mus rau sab zoo hauv tib neeg lub neej

Tam sim no uas ua tiav qhov cuab yeej no lawm, ces los tshuaj xyuas cov nqe lus thiab sib tham tam li yog ib pab pawg txog yam uas yuav tuaj yeem ua tau los hloov pauv los sis txhim kho cov kev txhawb nqa rau tus neeg no txhawm rau txhim kho nws lub neej kom zoo. Yog tias pab pawg neeg txhawb nqa tsis paub meej tias yuav ua li cas, ces lawv tuaj yeem:

- Nrhiav kev tawm tswv yim los ntawm [tus kws pab npaj phiaj xwm uas saib siab rau leej tib neeg](#) (ntawm nplooj vev xaib, kiv nqis mus rau ntu "Planning advisors (Cov kws pab npaj phiaj xwm)" thiab nias rau ntawm "Regional listing of available person-centered planning facilitators (Cov npe kws pab npaj phiaj xwm uas muaj nyob hauv cheeb tsam)" txhawm rau nrhiav ib tug kws pab uas nyob ze koj)
- Koom tes nrog lwm lub koom haum los sis pab pawg hauv cheeb tsam uas tej zaum yuav muaj lwm tus neeg muab kev pab cuam los sis tus neeg tuav tswj ntaub ntawv yuav muaj tswv yim los sib faib qhia
- Nruam xav seb puas yuav tsim nyog nrhiav neeg ua hauj lwm ntxiv txhawm rau los nqis tes ua raws li ib qho ntawm cov tswv yim no, thiab xa ib daim ntawv thov mus rau tus neeg tuav tswj ntaub ntawv kom nce cov neeg ua hauj lwm kom coob ntxiv yog thaum tsim nyog
- Yog tias qhov uas muaj cov neeg ua hauj lwm pheej tawm hauj lwm tsis tu ncuu ua rau muaj kev cuam tshuam tsis zoo rau tus neeg no lub neej, ces mus saib [DHS nplooj vev xaib hais txog Workforce Shortage \(Kev Tsis Muaj Neeg Ua Hauj Lwm Txaus\)](#) hais txog rau cov tswv yim thiab cov peev txheej rau kev nrhiav thiab kev hwj xwm cov neeg ua hauj lwm tseg cia
- Tiv tauj DHS hais txog rau kev pab fab thev niv ntawm PositiveSupports@state.mn.us.

Qhov cuab yeej no tej zaum yuav tsum tau saib xyuas mus ntau lub hlis los sis ntau lub xyoo txhawm rau ua kom ntseeg tau tias tus neeg no thiab lawv pab pawg neeg tseem niaj hnuv ntsuam xyuas thiab txhim kho lub neej kom zoo txuas ntxiv mus. Ib txoj hauv kev los soj qab saib txoj kev siv zog yuav tuaj yeem yog kev txheeb xyuas cov kauj ruam/cov hom phiaj thiab muab lawv tso rau hauv tus neeg no txoj phiaj xwm coordinated services and supports (txoj phiaj xwm kev pab cuam thiab kev txhawb nqa, CSSP).